

REGLUR

165

3. júlí

um félagsheimilið Hlégarð.

1. gr.

Nafn félagsheimilisins er Hlégarður í Mosfellshreppi í Kjósarsýslu.

Lóðin er gefin af Mosfellshreppi.

Lóðarstærð 9000 fermetrar. (Í suður frá húsinu 29 metrar, í vestur frá því 26 m o. s. frv.).

Eigendur félagsheimilisins eru: Mosfellshreppur, Ungmennafélagið „Afturelding“ og Kvenfélag Lágafellssóknar.

2. gr.

Húsnefnd, sem kjörin skal árlega, stjórnar félagsheimilinu. Hún skal þannig skipuð: Hreppsnefnd kýs 3, Kvenfélag Lágafellssóknar 1 og Ungmennafélagið Afturelding 1.

Varamenn skulu kjörnir á sama hátt.

Húsnefnd skiptir sjálf með sér verkum. Hún skal halda nákvæma gerðabók um störf sín.

Ef félagsheimilið hættir störfum, skal afhenda þjóðskjalasafni gerðabækur þess til vörzlu.

3. gr.

Húsnefnd heldur fund er þurfa þykir. Skylt er henni að halda fund ef $\frac{2}{5}$ nefndarmanna æskja þess.

Aðalfundur fulltrúa eigenda félagsheimilisins skal haldinn í febrúar ár hvert. Skulu þangað kvaddir, með hæfilegum fyrirvara, fulltrúa eigenda.

Fulltrúar eigenda skulu vera hreppsnefndin öll, tveir fulltrúar frá Kvenfélagi Lágafellssóknar og tveir frá Ungmennafélaginu „Afturelding“. Enginn fulltrúi má fara með nema 1 atkvæði. Fulltrúar einir hafa atkvæðisrétt, en fundarseturétt með málfrælsi og tillögurétti hafa húsnefnd og stjórnir fyrrnefndra félaga. Eigendur skýra frá því á aðalfundi, hverja þeir hafa valið af sinni hálfu í húsnefnd næsta ár.

Á fundinum skal húsnefndin leggja fram rekstrar- og efnahagsreikninga félagsheimilisins fyrir síðastliðið ár, endurskoðaða af endurskoðendum sveitarsjóðsreikninga eða löggiltum endurskoðanda.

Einnig leggur hún fyrir fundinn fjárhagsáætlun fyrir félagsheimilið á yfirstandandi ári.

Fjárhagsáætlunin skal vera svo nákvæm sem unnt er.

Eigi má efna til verulegra útgjalda, nema samþykkt hafi verið á aðalfundi, eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað.

Reikninga og fjárhagsáætlun skal bera undir atkvæði fundarmanna.

Afrit af ársreikningum félagsheimilisins skal senda félagsheimilasjóði.

Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- a. að ráða húsvörð, setja honum starfsreglur og sjá um að þeim sé fylgt;
- b. að ráða annað starfsfólk, ef aðalfundur telur það nauðsynlegt. Leita skal um-sagnar húsvarðar um ráðningu starfsfólks, sem á að vinna undir stjórn hans;

- 165 c. að ráðstafa félagsheimilinu til afnota fyrir eigendur og aðra.
 3. júlí d. að ákveða gjöld fyrir afnot hússins;
 e. að annast kaup nauðsynlegra tækja og áhalda;
 f. að sjá um viðhald og endurbætur húseignarinnar, húsbúnaðar og áhalda;
 g. að sjá um að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni;
 h. að sjá um að húsið sé hæfilega hitað og lýst;
 i. að sjá um að löggæzla sé á samkomum, ef þess er þörf.

5. gr.

Eigendur félagsheimilisins skulu svo sem aðrir greiða leigu fyrir afnot hússins. Skyld er þeim að heimila félögum, er greinir í 1. gr. laga nr. 77 1947, um félagsheimili, innan Mosfellssveitar, afnot af húsinu gegn hæfilegu gjaldi, ef eigi fer í bága við eðlilega þörf eigenda fyrir húsið. Verði ágreiningur um, hvort slíkt félag eigi rétt á afnotum af félagsheimilinu, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins skal ákveðin svo há, að nægilegt fé fái til þess að inna af höndum nauðsynleg gjöld, ef stofnuninni koma eigi aðrar tekjur.

7. gr.

Þess skal gætt, að húseign, áhöld, húsbúnaður allur og fatnaður sé jafnan hæfilega váttryggt.

8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er eigi við, þegar samkomu lýkur, skal gæzlumaður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

9. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður og húsnefnd sjá um að hún sé jafnan vel hirt. Lóðina skal girða traustri, gripheldri girðingu, er haldið sé vel við.

Hestagirðing og bifreiðastæði skal vera í námunda við félagsheimilið.

10. gr.

Árlega skal húsvörður framkvæma vandlega athugun á ástandi hússins og gefa aðalfundi skýrslu þar um.

11. gr.

Skemmdir á húseign, áhöldum og húsbúnaði skulu þeir bæta, er spjöllum valda.

12. gr.

Í félagsheimilinu má hvorki veita áfengi né neyta þess, né veita ölvuðum mönnum aðgang.

Húsnefndin getur svipt þá, er gegn þessu brjóta, aðgangi að félagsheimilinu tiltekinn tíma.

13. gr.

Reglur þessar, sem stjórn félagsheimilisins Hlégarður hefur samið og samþykkt, staðfestast hér með samkvæmt 8. gr. laga nr. 77 5. júní 1947, um félagsheimili, til þess að öðlast þegar gildi, og birtast til eftirbreytni öllum þeim, sem hlut eiga að máli.

165

3. júlí

Í menntamálaráðuneytinu, 3. júlí 1951.

F. h. r.

Birgir Thorlacius.

Ásgeir Pétursson.

REGLUGERÐ

166

1. ágúst

um skemmtanaskatt í Dalvíkurhreppi.

1. gr.

Samkvæmt lögum nr. 34 frá 22. nóv. 1918, sbr. lög nr. 30 19. júní 1922 og lög nr. 61 21. júní 1938, skal greiða skatt af skemmtunum fyrir almenning, sem aðgangur er seldur að og eigi eru að lögum undanþegnar skatti.

2. gr.

Þessar skemmtanir eru skattskyldar og flokkast þannig:

1. flokkur:

- a. Hljómleikar og söngskemmtanir.
- b. Sjónleikir.
- c. Kappleikir og íþróttasýningar, sem aðrir en áhugamenn taka þátt í.
- d. Fyrirlestrar og upplestrar.
- e. Kvikmynda- og skuggamyndasýningar.

2. flokkur:

- a. Dansleikir og danssýningar.
- b. Loddara- og fjölleikasýningar.
- c. Aðrar almennar skemmtanir, sem aðgangur er seldur að, og eru ekki taldar hér sérstaklega.

3. gr.

Af skemmtunum þeim, sem taldar eru í fyrsta flokki, skal greiða 10% og 20% af skemmtunum í öðrum flokki. Ef skemmtun er margþætt, skal miða skattinn við þann þátt hennar, sem hæst er skattaður.

Skatturinn er hundraðshluti af inngangseyri.

4. gr.

Undanþágu frá skattgreiðslu veitir hreppsnefnd, ef sérstakar ástæður eru fyrir hendi, t. d. fyrir skemmtanir, sem haldnar eru í góðgerðaskyni eða fræðslu, til styrktar listum o. s. frv.

5. gr.

Hreppsnefnd Dalvíkurhrepps hefur eftirlit með því, að reglugerð þessari sé hlýtt, sér um innheimtu skattsins og er heimilt að hafa eftirlit með skemmtunum